

अरजी सुनले अम्बा रानी सुनले जगदम्बा महारानी



अरजी सुनले अम्बा रानी,
सुनले जगदम्बा महारानी,
भगत आया है माताजी थारे आसरे,
मोटी तू दातार भवानी,
तीनो लोका री धनीयाणी,
भक्त आया है अम्बाजी थारे आसरे।bd।

थारी महिमा सुनने अम्बा,
आंगन थारे आया,
थारी महिमा सुनने अम्बा,
आंगन थारे आया,
घिरत चूरमा और मिठाई,
भोग चढावन लाया,
घिरत चूरमा और मिठाई,
भोग चढावन लाया,
ओ जगदम्बा थारे मिन्दर मे ओ हो,
मीठा मीठा हरजश गावा,
थारी रात जगावा,
अर्जी सुनले अम्बा रानी,
सुनले जगदम्बा महारानी,
भगत आया है माताजी थारे आसरे।bd।

लाल चुनडीया वाली अम्बा,
सिंह चढी असवारी,
लाल चुनडीया वाली अम्बा,
सिंह चढी असवारी,
दुष्टा रो संहार करे माँ,
भक्तो री रखवाली,
दुष्टा रो संहार करे माँ,
भक्तों री रखवाली,
माँ जगदम्बा थारे दर्शन ने ओ हो,
नैन उडीके माँ नवदुर्गा,
आंगन आवे म्हारे,
अर्जी सुनले अम्बा रानी,
सुनले जगदम्बा महारानी,
भगत आया है माताजी थारे आसरे।bd।



ऊँचो थारो भवन भवानी,
ध्यावे दुनिया सारी,
ऊँचो थारो भवन भवानी,
ध्यावे दुनिया सारी,
नवराता मे मेलो लागे,
भीड़ पड़े भगता री,
नवराता मे मेलो लागे,
भीड़ पड़े भगता री,
माँ चामुण्डा थारे मिन्दर मे ओ हो,
नाचे गावे ढोल बजावे,
थारी ज्योत जगावे,
अर्जी सुनले अम्बा रानी,
सुनले जगदम्बा महारानी,
भगत आया है माताजी थारे आसरे।bd।

दास अशोक चरना रो चाकर,
गावे महिमा थारी,
दास अशोक चरना रो चाकर,
गावे महिमा थारी,
इन कलयुग मे माँ जगदम्बा,
लाज राखजो म्हारी,
इन कलयुग मे माँ जगदम्बा,
लाज राखजो म्हारी,
माँ जगदम्बा थारे मिन्दर मे ओ हो,
हाथ जोड अरदास सुनावे,
चरना मे शिश नमावे,
अर्जी सुनले अम्बा रानी,
सुनले जगदम्बा महारानी,
भगत आया है माताजी थारे आसरे।bd।

अरजी सुनले अम्बा रानी,
सुनले जगदम्बा महारानी,
भगत आया है माताजी थारे आसरे,
मोटी तू दातार भवानी,
तीनो लोका री धनीयाणी,
भक्त आया है अम्बाजी थारे आसरे।bd।

गायक – मोईनुद्दीन जी मनचला ।
प्रेषक – मनीष सीरवी ।
(रायपुर जिला पाली राजस्थान)
9640557818



समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करें। वेबसाइट - <https://www.bhajandiary.com>